



ԱՐԱՄԱՅԻՍ ՍԱՀԱԿՅԱՆ

ԽԱՂԱՂՈՒԹՅՈՒՆ ԱՄԵՆԵՑՈՒՆ

Զրույց Ամենայն Հայոց կիթողիկոս Վազգեն Առաքինի
հետ, որ հայրենասիրական-խաղաղասիրական գոր-
ծունեության համար պարգևատրվել է «Պատվո
նշան»-ով:

Վեհափառը հյուր կանչեց ինձ,
հյուրասիրեց համեղ սուրճով,
Եվ այնպիսի խոսքեր ասաց,
որ հիշում եմ բարի խղճով:
— Խաղաղությունն, — ասաց, — վեր է
ամեն վեճից՝ թեկուզ և լայն,
Վասն ամենո արժի վիճել,
բայց ոչ վասն խաղաղության:
Փոքր ազգերին մահ է, ավաղ,
թե պատերազմ լինի մի նոր:
Այի մը սուրբ հող, կյանք մը խաղաղ —
այս է հային միշտ հարկավոր:
Ազգի կետը ցրված է դեռ
ի սփյուռս ողջ աշխարհի,
Ռդիսևս է Սփյուռքը մեր,
կգա՝ թեկուզ գայթակղվի:

Խորհենք վասն բարության ծով՝
ի հայրենյաց մերոց այսօր.
Միշտ ազգովին մտածելով՝
ազգովին էլ կապրենք հզոր:
Չմամնվենք բնավ նոցա,
որ կվիճեն կայարանում,
Իսկ գնացքը կհեռանա՝
վիճողներին թողած տեղում:
Կա աշխարհում մի հայրենիք՝
մի Հայաստան Խորհրդային,
Եղբայրների հետ անտիկ
խոսք է ասում աշխարհներին:
Եվ թող հնչի լայնատարած
նրա խոսքը սիրով լեցուն.
— Խաղաղություն հեռավորա՛ց, մերձա-
վորա՛ց,
Խաղաղությո՛ւն ամենեցուն...